

LIEF EN LEED

- Bid saam met Thys en Marie Pistorius, hul seun Thys Pistorius wat in Unitas opgeneem was met neurologiese skade en later na Southdown oorgeplaas was, se toestand is nog onveranderd.
- Dink in u gebede aan Tanya Turner wat einde verlede maand in 'n kliniek opgeneem is, ook aan haar ouers Robbie en Marieta.
- Issie de Kock het steeds jul gebede nodig. Bid asb. vir haar gesondheid.
- Hou ook asseblief vir Matso Strydom in u gebede.
- Ons dink ook aan René Odendaal wat deur 'n moeilike tyd was met longontsteking wat sy gehad het.
- Ons bid vir die talle mense wat varkgriep of brongitis het, of dalk net ongesteld voel, mag julle almal vinnig beter word en voel.
- Anna Breedt se dogter wag op uitslae van diagnostiese toetse.
- Na komplikasies is Rina Cronje beter. Bid steeds vir haar en Frans.
- Bets du Toit vroeër van Fonteine laan, het in Rusoord gesterf. Ons bid vir Helen en Francois haar kinders, en die res van die familie.
- Andy en Miems Malan se kleinseun Henry, het van brandwonde beswyk. Sy vader Jannie (JJ) wat in Milpark behandel word se toestand het baie verbeter. Ons dra die hele familie aan die Here op en bid dat die Here Sy troos sal gee na hierdie traumatiese gebeure.
- Ans en Pierre du Toit was by die see. Pierre het 'n draai deur die hospitaal gemaak. Ons dink aan hulle in ons gebede.
- Magriet Engelbrecht het las van 'n heup wat haar mobiliteit beïnvloed.
 - Elsabe Conradie het 'n roof oorleef,

die booswigte het haar geskop en sy het voetbeentjies gebreek. Bid asb. dat die Here vir haar groot vrede sal gee en die trauma kan verwerk en dat sy genesing sal kry.


- Chrisjan Pienaar kry van tyd tot tyd epileptiese aanvalle, dit is 'n bekommernis.
- Jo Roux is verswak, dink in u gebede aan haar asseblief.
- Dink in u gebede aan al die verswaktes van Rusoord en bid asb vir almal wat herstel na hospitalisasie: Onder andere, Krit Gouws, Alida van Zyl, Sus Boshoff, Henocho Schoeman en Bets de Wet.
- Ons dink ook aan Rusoord se personeel wat met soveel ywer hulle dagtaak uitvoer.
- Bid asb vir die Boeregemeenskap, dat die Here milde reëns sal gee dat daar kos op mense se tafels kan kom.
- Bid vir die veiligheid van mense op plase en dat daar vinnig duidelikheid sal kom oor die grondkwessie.
- Sterkte aan die matrikulante vir die eksamens wat nou geskryf word.
- Geluk aan die volgende jongmense wat Geloofsbelydenis die afgelope maand afgelê het: Marcel Lubbe; Mickyla Shired, Tania Turner; Elmien Viktor en Ernst Henry Lodewikus Viktor
- Baie geluk aan Raymond Swart wat goed gedoen het in sy eksamens. Hou so aan!

NOVEMBER DATUMS

Datum	Beskrywing
1. Vergaderings:	
2. Byeenkomste:	
4	Nagmaal
11	Dankseggingsete
3. Vakansiedae:	
4. Artikel, nuus, advertensie en foto sperdatum vir volgende Kalender	
16	Sperdatum



Die Kandelaar



Lyttelton-Noord
Nederduitse Gereformeerde Gemeente

DIE DEUR NA MÔRE IS OOP

Jesus het reguit na hulle gekyk en gesê: "Vir mense is dit onmoontlik, maar vir God is alles moontlik" (Matt. 19:26).

Ons lees verse in die Bybel wat ons oor die grens van menslike redelikheid en waarskynlikheid neem. Byvoorbeeld as Jesus sê: "As julle geloof het....sal julle... vir hierdie berg sê: Lig jou op en val in die see!" en dit sal gebeur (Matt 21:21,22). Blykbaar het niemand nog die geloof van 'n mosterdsaadjie gehad om berge te kan verskuif nie. Ek kwalifiseer in elk geval nie vir só 'n prima geloof nie. Ek is eerder broos as in beheer, meer bedelaar as bergwerper. Hierdie teks kom staan soos 'n berg in ons pad.

Johan Cilliers het 'n goeie verduideliking: In die voorafgaande verse hoor ons van toenemende botsings tussen Jesus en die skrifgeleerdes en priesterhoofde veral omdat Hy die geldwisselaars en die duiweverkopers uit die tempel jaag (Matt. 21:12-17). Ons lees vervolgens van die verdroying van die vyeboom (Matt. 21:18-19), 'n beeld van God se oordeel wat oor Israel kom. Dit is dus verse propvol oordeelswoorde en oordeels-handelinge. Somber. Uitsigloos. Jy kan 'n bordjie aan 'n droë takkie

van die dooie vyeboom hang wat sê: Klaarpraat!

Teen dié agtergrond blink die woord oor die vlieënde berge op. Daarmee sê Jesus: God laat Hom nie beperk nie, selfs nie deur sy eie oordeel nie. Trouens, deur sy oordeel open Hy nuwe horisonne, nuwe perspektiewe. As Israel dan nie vrug dra nie dan verskuif Hy die grense van Jerusalem na Judea, na Samaria en tot die uithoeke van die wêreld. Die deur na môre is oop! God maak dit oop.

Die teks praat in die eerste plek nie van geloofshelde nie, maar van God se handelinge. Hy kan berge versit. Vir mense mag dinge onmoontlik wees, maar "vir God is alles moontlik" (Matt. 19:26). Hy is die God van ondenkbare en onverwagte moontlikhede. Hy het die manier om ons doodloopstrate te omskep in werksterreine vir sy genade. Elke noodsituasie waarin ons verkeer, is vir God 'n oop situasie.

Hy het immers die swaarste berg opgelig en weggeskuif: die klip voor die graf van sy Seun. Hy het lig gebring in die diepste put, naamlik dié van die graf. Hy het die meesterskaakspeler

(gaan aan op p. 2)

INHOUD

Die deur na môre is oop	
Ds Gideon du Toit	1
Halloween - 31 Okt.	
Du Toit v d Merwe	2
Vroue-aksie nuus	
Adél Klerck	4
AGAPE - Liefde	
Lux Mundi Groep	5
Geroep tot Vryheid	
Lux Mundi Groep	5
GEDIG: HOOP	
AG Visser	7
God Bemoedig	
Lux Mundi Groep	10
Vrug van die Gees	
Lux Mundi Groep	12
Lief en Leed	16
November Datums	16

(vanaf p. 1)

dinge wat soos berge opdoem, deur oopgesluit het, sal niemand huwelikskonflikte, finansiële krisis, dit weer kan toeklap nie.

van hierdie wêreld, die Satan, in 'n siekte aan jou liggaam, die sy eie spel getroef. dood wat jou dag vir dag bedreig.

Ds Gideon (Kandelaar September 2014)

Die vers oor die berg bedreig nie iemand het die sleutel (Op 1:18) meer soos voorheen nie. Ook die en as God deur Jesus Christus 'n

HALLOWEEN OP 31 OKTOBER

Wat is dit en wat het dit met ons te doen? Dis 'n ou Christelike fees uit die Middeleeue wat vandag nog gehou word in sommige kerke. Maar dit het ook 'n eie karakter aangeneem in die VSA waar kinders en jongmense dit op hulle eie manier hou, maar met soveel mites en bygeloof en tradisies vermeng dat dit feitlik niks meer van die Christelike herkoms behou het nie behalwe die naam. Daarom is daar Christene wat dit afmaak as die oorblyfsel van die heidense fees Samhain wat kom uit die tradisionele godsdiens van die Kelte, die oorspronklike inwoners van Ierland en Skotland. Dit sou 'n maklike uitweg wees om te beweer dat dit heidens in oorsprong is. Maar dan weier ons om die werlike aandeel van die middeleeuse kerk en sy bygeloof te erken.

In die beginjare van die kerk was dit baie belangrik om die name en die bydrae van prominente Christene te onthou. Daarby het ook gekom die martelare wat ter wille

van hulle geloof in Jesus doodgemaak is. So 'n prominente gelowige se naam is dan gekoppel aan 'n sekere dag op die kalender. Daardie dag is dan genoem die dag van die betrokke heilige. Op hierdie manier kon 'n beperkte getal van die gestorwe heiliges se name onthou word. Die kerk het gou besef dat daar baie meer mense was om te onthou as wat daar dae in die jaar is. Daar is toe besluit om een dag te hê waarop al die ander heiliges onthou kon word. In die jaar 609 na Christus is 13 Mei vasgestel as hierdie dag om al die oorgeblewe heiliges te onthou. Maar in die jaar 835 het Pous Gregorius IV die dag verskuif na 1 November. Dit het bekend gestaan as All Saints' Day (In Nederlands: Allerheiligen Dag). Die Engelse naam All Hallows' Day is ook gebruik. Die aand voor hierdie dag is dus genoem All Hallows' Eve of ook Halloween'e'en én uiteindelik Halloween.

In die kerk was die doel met hierdie fees om die heiliges te onthou. Maar binne-in die

kerk is daar ook bygeloof hiermee vermeng. So is daar byvoorbeeld op hierdie aand die kerkklokke aanhoudend gelui met die gedagte dat dit die heiliges moet help wat nog in die Vagevuur was sodat hulle daaruit kon vrykom. Daar was ook gemeentes wat een of ander van die sogenaamde relikwieë gehad het. Dit was veronderstel om oorblyfsels van die liggame van sulke heiliges te wees wat agter glas bewaar is. Die volgende oggend is sulke relikwieë dan in 'n optog deur die strate gedra. Dit is enkele van die bygelowe wat binne die kerk ontstaan het en deur die kerkleiers geglo en verkondig is. Maar onder die lidmate van die kerk wat meestal ongeletterd was, was daar baie erger bygelowe. Hulle het geglo dat op die dag van die heiliges (1 November) al die hekse en demone so bang sou wees, dat hulle nie te voorskyn sou kom nie. Maar die vorige aand (31 Oktober) sou hulle dan hulle kans gebruik om ongehinderd

(gaan aan op p. 3)

(vanaf p. 14)

wil, en wat die Gees wil, is in stryd met wat ons sondige natuur begeer. Hierdie twee staan lynreg teenoor mekaar, en daarom kan julle nie doen wat julle graag wil nie. 18 Maar as julle julle deur die Gees laat lei, staan julle nie meer onder die wet nie. 19 Die praktyke van die sondige natuur is algemeen bekend: onsedelikheid, onreinheid, losbandigheid, 20 afgodsdienste, towery, vyandskap, haat, naywer, woede, rusies, verdeeldheid, skeuring, 21 afguns, dronkenskap, uitspattigheid en al dergelike dinge. Ek waarsku julle soos ek julle al vroeër gewaarsku het: Wie hom aan sulke dinge skuldig maak, sal nie die koninkryk van God as erfenis verkry nie.

Gal 5:24-25 - (Vrug van die Gees) 24 Dié wat aan Christus Jesus behoort, het hulle sondige natuur met al sy hartstogte en begeertes gekruisig. 25 Ons lewe deur die Gees; laat die Gees nou ook ons gedrag bepaal.

Die hoop lê in die feit dat elke gelowige op grond van geloof in Jesus vrygespreek word van die werking van die sondige natuur en sodoende onder beheer van die Heilige Gees lewe. Die Heilige Gees werk in alle gelowiges se lewens sodat die goeie menslike eienskappe (vrug van die Gees) ons gedrag bepaal. Gelowiges leef anders as die wêreld en word aan hierdie eienskappe uitgeken. Die vrug van die Gees verteenwoordig die aard van Jesus Christus. Gelowiges moet meer soos Jesus word.

1Kor 12:1-11—(Gawes van die Gees) Wat die gawes van die Gees betref, broers, wil ek hê dat julle ingelig moet wees. 2 Julle weet dat, toe julle nog heidene was, julle blindelings na die stom afgode meegevoer is. 3 Daarom wil ek hê julle moet weet dat iemand wat sê: "Vervloek is Jesus", nie

deur die Gees van God praat nie; en niemand kan sê: "Jesus is die Here" nie, behalwe deur die Heilige Gees. 4 Daar is 'n verskeidenheid van genadegawes, maar dit is dieselfde Gees wat dit gee; 5 daar is 'n verskeidenheid van bedieninge, maar dit is dieselfde Here wat die opdrag gee; 6 daar is 'n verskeidenheid van kragtige werkinge, maar dit is dieselfde God wat alles in almal tot stand bring. 7 Aan elkeen afsonderlik word 'n werking van die Gees gegee tot voordeel van almal. 8 Aan die een word deur die Gees die gawe gegee om 'n woord van wysheid te praat, aan 'n ander 'n woord van kennis deur dieselfde Gees; 9 aan die een geloof deur dieselfde Gees, aan 'n ander genadegawes van gesondmaking deur die één Gees. 10 Aan die een gee Hy die krag om wonders te doen, aan 'n ander die gawe om te profeteer, en aan nog 'n ander die gawe om tussen die geeste te onderskei. Aan nog een gee Hy die gawe om ongewone tale of klanke te gebruik en aan 'n ander om dit uit te lê. 11 Maar al hierdie dinge is die werk van een en dieselfde Gees, wat aan elkeen afsonderlik 'n gawe uitdeel soos Hy wil.

Die gawes van die Gees verteenwoordig die werking van Jesus Christus. Gelowiges funksioneer as afsonderlike lede van 'n liggaam tot voordeel van almal.

Verwysing: Boek hersien in 2008 - Tien boodskappe van Hoop – saamgestel deur 'n Lux Mundi Groeigroep (Paul en Marietjie le Roux, Emile Hurter, Danie en Henta Payne, Schal en Grieta Eagar, Johan en Annemarie de Bruyn, Baby Steenkamp en Anton Louw)

het: Wie hom aan sulke dinge skuldig maak, sal nie die koninkryk van God as erfenis verkry nie. 22 Die vrug van die Gees, daarteenoor, is liefde, vreugde, vrede, geduld, vriendelikheid, goedhartigheid, getrouheid, 23 nederigheid en selfbeheersing. Teen sulke dinge het die wet niks nie. 24 Dié wat aan Christus Jesus behoort, het hulle sondige natuur met al sy hartstogte en begeertes gekruisig. 25 Ons lewe deur die Gees; laat die Gees nou ook ons gedrag bepaal. 26 Ons moenie verwaand wees, mekaar uittart of op mekaar afgunstig wees nie.

Die hoop lê in die feit dat God se Gees vertroostend en versterkend in ons werk. Liefde (Agapé) 'n emosie wat gebruik word om die onderlinge verhouding tussen mense, maar ook dié tussen die Here en mense, uit te druk. Dit omvat die wese van ons godsdiens.

- *Vreugde* is 'n staat van geluk en blydschap, om opgeruimd te wees en jou te verbly, selfs in moeilike omstandighede.
- *Vrede* 'n toestand van rus en kalmte in die uiterlike omstandighede en in die gemoed en emosies.
- *Geduld* 'n rustige gemoedstoestand om iets, wat soms selfs negatief of onaangenaam is, sonder klag of murmuring vir 'n tyd te verdra.
- *Vriendelikheid* 'n eienskap, vermoë en bereidheid om mense onvoorwaardelik te ag, respektvol teenoor hulle op te tree en hulle gemaklik te laat voel.
- *Goedhartigheid* 'n eienskap, vermoë en bereidheid om mense onvoorwaardelik en onselfsugtig te help.

- *Getrouheid* 'n eienskap, vermoë en bereidheid om konsekwent en met integriteit op te tree sodat mense met sekerheid en vertrouwe op jou kan staatmaak.
- *Nederigheid* 'n eienskap, vermoë en bereidheid om die minste te wees sonder om swak te wees. Dit is net moontlik wanneer Jesus die middelpunt en fokus van my lewe is en die krag van die Heilige Gees in my werk.
- *Selfbeheersing* 'n eienskap, vermoë en bereidheid om voortdurend nee te kan sê en te kies teen sinlike begeertes(sonde).

Teenoorgestelde betekenis :

- Liefde (Agapé) – Haat (Haat)
- Vreugde – Ongeluk en Hartseer (Naywer en Afgodsdiens)
- Vrede – Onrus en Stryd (Woede, Rusies en Towery)
- Geduld – Ongeduld en Onverdraagsaamheid (Skeuring)
- Vriendelikheid – Onvriendelikheid, Minagting en Disrespek (Vyandskap)
- Goedhartigheid – Hartvogtigheid en Selfsugtigheid (Afguns)
- Getrouheid – Ontrouheid en Dislojaliteit (Verdeeldheid)
- Nederigheid – Hoogmoedigheid en Verwaandheid (Uitspattigheid)
- Selfbeheersing – Ruggraadlose
- Toegeeflikheid (Onsedelikheid, Onreinheid, Losbandigheid en Dronkenskap)

Gal 5:18-21—(Stel die praktyke van die sondige natuur teenoor die vrugte van die Gees) 17 Wat ons sondige natuur begeer, is in stryd met wat die Gees

(gaan aan op p. 15)

tussen die mense te beweeg. Dit was hierdie jolyt van die hekse en die duiwels wat mense se verbeelding aangegryp het.

Met die koms van die Hervorming is die bygelowige tradisies wat in die kerk ingekom het soos byvoorbeeld die Vagevuur getoets aan die Skrif en verwerp. Die gedagte van die Vagevuur (of reinigende vuur) het met die jare ontstaan omdat mense gedink het dat party lidmate van die kerk as hulle sterf dalk nie geskik of gereed is om in die hemel opgeneem te word nie. Daarom is aanvaar dat hulle eers voorlopig deur vuur gelouter word voordat hulle siele gereed sou wees vir die hemel. In die tussentyd is daar dan in die kerk gebid vir hierdie mense dat hulle nie so lank in hierdie toestand sal bly nie, maar gouer gereed sal wees vir hulle finale bestemming. Daarom het die gewoontes rondom die Dag van alle Heiliges ook nie vir die Protestantse Christene enige waarde ingehou nie.

Maar in die VSA het daar in die laaste 150 jaar weer 'n geweldige belangstelling ontstaan in die viering van Halloween. Daardie aand trek

kinders en tieners aan soos bv die versierde boom by hekse of spoke en klop by mense se huise aan om iets te vra. Daar word dan koekies of lekkers en koeldrank aan hulle uitgedeel. Die kinders se aanklop by huise word genoem "trick or treat". As hulle niks gegee word nie, is daar die gevaar dat hulle die mense een of ander poets kan se een of ander poets kan bak soos byvoorbeeld 'n motor wat buite staan se ruite te besmeer sodat dit eers gewas moet word voordat die mense weer daarmee sou kon ry. Die kinders maak vir daardie aand ook pampoenspoke deur 'n pampoenspoke uit te hol en dan gate in te sny vir die oë en die mond. 'n Kers of lig word dan in die pampoenspoke gesit sodat die lig deur die oogholtes en die mond skyn.

Wat het dit alles met ons te doen? Eintlik niks, behalwe dat van ons mense hiervan lees in tydskrifte en dan dink dis 'n oulike idee om vir kinders so 'n Halloween partytjie te hou. Dit gebeur hier en daar dat die personeel by 'n skool so iets probeer reël. In die VSA waar dit werklik posgevat het, sit die evangeliese Christene met hulle hande in die hare. Hulle sê dat ons vandag by die viering van Kersfees en Paasfees ook nog te doen het met gewoontes wat eintlik uit 'n heidense agtergrond kom soos

by die versierde boom by Kersfees en die paaseiers by Paasfees. Maar dan kan ons na die Skrif teruggaan vir die werklike betekenis van die fees. Maar in die geval van Halloween is daar geen manier om dit nader aan die Skrif te bring nie. Die enigste uitweg sou wees om in die prediking van die kerk die basis van ons geloof reg te hou — dat ons alleen in die hemel kom deur die volkome offerande van Jesus Christus vir ons sonde. Geen menslike gedagte van by die dood miskien eers vir 'n tyd gereed maak te word terwyl die gelowiges op aarde vir ons bid, kan werklik help nie. Dit kan alleen twyfel wek in die absolute genoegsaamheid van die prys wat Jesus ons Redder vir ons betaal het.

Die enigste les in die storie is dus twee dinge:

1. Die kerk in die Middeleeue kon hulle mense nie behoorlik uit die Skrif help om bygeloof te bestry nie. Hulle het eerder die bygeloof vermeerder.
2. Los Halloween maar vir mense wat dink dat die mites uit die verlede ons vandag geestelik kan help.

Du Toit van der Merwe (Kandelaar September 2014)

VROUE-AKSIE NUUS

TREINTJIE GELEENTHEID

12 Oktober 2018. Omtrent 35 mense het die geleentheid bygewoon waar almal lekker saam gekuier, geëet en treintjie gery het. Dankie aan Jansie Killian wat vir ons die leiding geneem het.



GEMEENTE-ETE

18 November 2018. Ons beplan 'n heerlike Kersfees ete vir die gemeente. Kaartjies sal vooraf verkoop word. Skryf die datum in jou dagboek. Meer inligting nader.

KERSSANGDIENS

Ons sien uit na die Kerssandiens waarin die koor van Mev Dollie Pienaar en haar Jubilante koor gaan optree. Die datum moet nog bevestig word. Verversings sal met hierdie geleentheid bedien word.

Liefdegroete

Adél

076 8900823

BELYDENIS AFLEGGING

Sondag 14 oktober 2018. Na afloop van die diens is koek bedien saam met die tee en is nuwe lidmate verwelkom.

(vanaf p.12)

elke gelowige bystaan nie (1:10). Die gebede van die gelowiges het Paulus "gedra", by wyse van spreke (1:11). God gee die verlossing en daarvoor moet Hy geprys en gedank word. Die solidariteit tussen Paulus en sy lesers is 'n geloofsverbondenheid aan God wat berus op 'n gemeenskaplike geloof. In hulle gebede word God geprys, gedank en as die seënende God erken.

God se beloftes bemoedig ons. In dié proses sluit Hy aan by my en jou swakhede en behoeftes.

Die volgende Psalms kan gebruik word ter bemoediging in spesifieke situasies:

- Wanneer jy verlate en vergete voel : Ps 10
- Wanneer jy wonder wat God van jou verwag; Ps 15
- Wanneer jy voor 'n groot uitdaging te staan kom: Ps 18:26–35
- Wanneer jy wysheid nodig het: Ps 19:8–12
- Wanneer jy bang is: Ps 23 en 91
- Wanneer die voorspoed van die ongelowige jou ontmoedig: Ps 37
- Wanneer jy liggaamlik ly: Ps 38
- Wanneer siekte jou moedeloos maak: Ps 41
- Wanneer jy jou geloof in God wil verloor: Ps 42
- Wanneer dit voel of jou wêreld inmekaar wil tuimel: Ps 46
- Wanneer jy skuldig voel: Ps 51
- Wanneer jy God beter wil leer ken; Ps 63
- Wanneer jy net-net kop bo water hou: Ps 88
- Wanneer jy jou visie op die lewe verloor het: Ps 90
- Wanneer jy oud word: Ps 91

- Wanneer jy herinner moet word aan God se goedheid: Ps 103
- Wanneer jy jou opnuut aan die Here wil toewy: Ps 116
- Wanneer jou gesinsverantwoordelikhede jou wil onder kry: Ps 127:1
- Wanneer jy herinner moet word aan God se genade en liefde: Ps 136
- Wanneer dit voel of God jou vergeet het: Ps 139
- Wanneer jy die Here wil loof en prys: Ps 145 –150

VRUG VAN DIE GEES – LEEF ANDERS AS DIE WÊRELD

Gal 5:5-6—(*Geloof word deur die Gees in my gewerk*) 5 *Wat ons betref, deur die werking van die Gees is dit ons hoop en verwagting dat ons deur te glo, vrygespreek sal word.* 6 *In Christus Jesus is dit nie van belang of jy besny is of nie. Al wat van belang is, is geloof wat deur die liefde tot dade oorgaan.*

Gal 5:16-26 - (*Lewe beheers deur die Gees van God*) *Laat julle lewe steeds deur die Gees van God beheers word, dan sal julle nooit swig voor begeertes van julle sondige natuur nie.* 17 *Wat ons sondige natuur begeer, is in stryd met wat die Gees wil, en wat die Gees wil, is in stryd met wat ons sondige natuur begeer. Hierdie twee staan lynreg teenoor mekaar, en daarom kan julle nie doen wat julle graag wil nie.* 18 *Maar as julle julle deur die Gees laat lei, staan julle nie meer onder die wet nie.* 19 *Die praktyke van die sondige natuur is algemeen bekend: onsedelikheid, onreinheid, losbandigheid, 20 afgodsdienste, towery, vyandskap, haat, naywer, woede, rusies, verdeeldheid, skeuring, 21 afguns, dronkenskap, uitspattigheid en al dergelike dinge.* Ek waarsku julle soos ek julle al vroeër gewaarsku

(gaan aan op p. 14)

uitgespreek dat God sal red soos Hy gedoen het in die verlede.

In 1:3 prys Paulus God omdat Hy Hom ontferm en in elke omstandigheid moed gee. Dit kan ook die sentrale tema van die hele brief genoem word: God se trou en bemoediging te midde van lyding en moeilikheid. Sowel Paulus as die Korintiërs het God se troos en bemoediging ondervind in die tye van beproewing en lyding. God se wese is volgens menslike beskrywing goed. Hy deel genade, dit is onverdiende goedheid, uit en Hy gee moed in elke omstandigheid (vgl Ps 86:5; Jes 51:12; 66:13).

Omdat Paulus God se bemoediging so intens ervaar het in die Korintiese situasie van konflik, kan hy ook ander bemoedig (1:4–5). 'n Mens hoef net in enige nood in iemand se lewe vir hom/haar weer 'n prentjie te teken van die goedheid van God! In nood, dit wil sê in swaarkry, is God die getroue wat bemoedig en help. Ter wille van Christus moes Paulus só baie ly, maar dit is ook Christus wat aan hom bemoediging gegee het.

Paulus het nie al hierdie nood deurgegaan ter wille van enige eie gewin nie maar ter wille van die gemeente van God in Korinte (1:6). Sy lyding was die prys vir die verkondiging van verlossing en ter wille van bemoediging van die gemeente. As die gemeente dan ook moet swaarkry, moet hulle ook bemoedig wees deur Christus, net soos Paulus dit self ondervind het. Hulle moet hul lyding net soos

12 hy met geduld verdra.

Wanneer die gemeente op hul lewenspad dieselfde soort lyding as Paulus moet deurgaen, kan hulle ook hoop en reken op dieselfde bemoediging wat Christus bied (1:7). Dit beteken nie noodwendig dat die gelowiges gespaar sal word van enige lyding nie maar dat hulle krag en bemoediging in die lyding sal ontvang. God neem nie die lyding weg nie maar bemoedig sy kinders om in en deur die lyding heen te volhard.

Paulus weet waarvan hy praat as hy die gemeente bemoedig om te volhard. In die provinsie Asië het hy baie probleme ervaar (1:8–9). Op sy sendingreise was hy in die tronk, is dikwels geslaan, met klippe gegooi, om nie te praat van lyfstraf, skipbreuk en 'n selfopofferende daaglikse bestaan nie (vgl 11:22– 28). Die swaarkry was selfs bo sy fisieke vermoëns. Die gevolg daarvan was dat sy lewe dikwels in gevaar was. Hy het op die harde manier geleer om volledig op God te vertrou. Gestroop van eie middele en vermoëns kan 'n mens se hulp net van God af kom. Hy moes leef asof die doodsvonnis alreeds oor hom uitgespreek was, soos 'n voël-vryverklaarde ter wille van Jesus Christus! Al die dinge het oor hom gekom om hom te oortuig om nie op homself te vertrou nie. Paulus het opnuut leer vertrou op God wat die dooies opwek tot die lewe. As God dan die dooies kan opwek, hoeveel te meer sal Hy nie ook dié wat aan Hom behoort uit die greep van gevare en die dood kan verlos nie.

God het Paulus dan uit só 'n groot doodsgevaar gered, hoeveel te meer sal Hy nie ook

(gaan aan op p. 13)

AGAPE – LIEFDE

1 Kor 13:1-13—*Nou wys ek julle wat nog die al-
terbeste is: Al praat ek die tale van mense en
engele, maar ek het geen liefde nie, het ek 'n stuk
klinkende metaal, 'n galmende simbaal geword. 2 Al
het ek die gawe van profesie en ken ek al die ge-
heimnisse en besit ek al die kennis, en al het ek al
die geloof om berge te versit, maar ek het geen
liefde nie, dan is ek niks. 3 Al deel ek al wat ek het
aan ander uit, en al gee ek my liggaam prys om my
daarop te kan beroem, maar ek het geen liefde nie,
baat dit my niks.*

*4 Die liefde is geduldig, die liefde is vriendelik; dit is
nie afgunstig nie, is nie grootpraterig nie, is nie ver-
waard nie. 5 Dit handel nie onweloweglik nie, soek
nie sy eie belang nie, is nie liggeraak nie, hou nie
boek van die kwaad nie. 6 Dit verbly hom nie oor
onreg nie, maar verheug hom oor die waarheid. 7
Dit bedek alles, glo alles, hoop alles, verdra alles.*

*8 Die liefde vergaan nooit nie, maar die gawe van
profesie sal verdwyn, die gawe om ongewone tale
en klanke te gebruik, sal ophou, en dié van kennis
sal uitgedien raak. 9 Want ons ken maar gedeeltelik,
en ons profeteer maar gedeeltelik, 10 maar wanneer
die volledige kom, sal wat gedeeltelik is, uitgedien
wees. 11 Toe ek 'n kind was, het ek gepraat soos 'n
kind, gedink soos 'n kind, geredeneer soos 'n kind.
Maar nou dat ek 'n man is, is ek klaar met die dinge
van 'n kind. 12 Nou kyk ons nog in 'n dowwe spieël
en sien 'n raaiselagtige beeld, maar eendag sal ons
alles sien soos dit werklik is. Nou ken ek net gedeel-
telik, maar eendag sal ek ten volle ken soos God my
ten volle ken. 13 En nou: geloof, hoop en liefde bly,
hierdie drie. En die grootste hiervan is die liefde!*

Volgens dié Boodskap behels die Agapé liefde die volgende:

- om nooit iemand sleg te behandel wat jou irriteer nie;
- om altyd mense so te hanteer dat hulle graag by jou wil wees sonder om bang te

wees dat jy hulle sleg sal behandel;

- om ander mense dit wat hulle het of kry te gun sonder om lelik daarvoor te wees as hulle dinge het wat jy nie het nie;
- om nie heelyd oor jouself te praat en te spog nie;
- om nie heelyd te maak asof jy soveel beter as ander mense is nie;
- om nie ongeskik te wees nie, maar jou so te gedra dat ander nie ongemaklik saam met jou voel nie;
- om nie net heelyd aan jouself en jou eie voordeel te dink nie;
- om nie sommer vir niks kwaad te word nie;
- om nie elke liewe dingetjie wat iemand verkeerd doen te onthou sodat jy hom of haar kan terugkry nie.

Maar Agapé liefde het ook grense: liefde kan nooit kant kies vir dinge wat verkeerd is nie. Net so sal liefde altyd net bly wees oor dit wat regtig gebeur soos God dit bedoel het. Liefde beskerm waar mense beskerming nodig het; liefde glo altyd die beste van ander mense en verwag dit ook van hulle. Agapé liefde ken geen einde nie. Dit is nie iets wat 'n mens kan opgebruik en dan sê dis klaar nie.

TOT VRYHEID GEROEP – LEEF VRY

Weet ons wat “VRYHEID” beteken? Is dit onafhanklikheid, soverainheid en outonomie? Is dit die mag en vermoë om vrye keuse en selfbeskikking te beoefen? Is dit onvoorwaardelike onverbondenheid, onbegrensdheid, onbeperkdheid ?. Is dit onvoorskriftelik-

(gaan aan op p. 6)



In geval van nood of 'n dringende behoefte, skakel die kerkkantoor (Sue) om te registreer op die HELPLIFT netwerk van ons gemeente.

Indien u hulp in enige vorm kan aanbied (professionele diens, vervoer van ons seniors wat nie meer self kan bestuur nie ens.) kontak die kerkkantoor om op die HELPLIFT netwerk van ons gemeente te registreer.
Kerkkantoor tel: 012 664 6695

heid, wetteloosheid, ongereguleerdheid, dissiplineloosheid, onbeheersdheid? Is dit ongekontroleerdheid, ordeloosheid, rigtingloosheid? Is dit aanvaarbare vorme van ongehoorsaamheid, onverantwoordelikheid en on-aanspreeklikheid? Is absolute vryheid chaos?

Die meeste mense dink waarkynlik dat vryheid die geleentheid is om te kan doen wat jy wil. Dit is egter nie die opinie van meer gesofistikeerde denkers nie. Beleidmakers beskou vryheid as die toepassing van 'n beleid van nie-inmenging in 'n gedefinieerde omgewing of ruimte. Jy is vry solank niemand jou stop nie. Menseregte aktiviste gebruik menseregte om vryheid te beperk en godsdienste leiers gebruik godsdienstige wette of reëls om vryheid te beperk.

Geskiedenis het gewys dat mense bereid is om hulle lewe te gee vir hul "VRYHEID" wat beperk word.

Voorbeelde: Tweede wêreldoorlog – stryd teen Nazis en wêreldoorheersing. Vryheidsoorloë teen Britse oorheersing in Suid Afrika. Stryd teen apartheid in Suid Afrika - stryd teen blanke oorheersing.

'n integrale deel van gesins- en gemeenskap-kultuur. Dit is 'n basiese vorm van mag. Dit word in verskillende vorme van menseregte in grondwette beskerm. Dit is 'n integrale deel van die bestuurstrukture van die meeste politieke, sosiale en ekonomiese groeperings. Sodoende kan hulle hulle eie konsep van 'n "ideale" omgewing skep waarbinne hulle kan funksioneer.

Twee baie bekende voorbeelde dui op hoe beperk ons menslike denke is:

Congress shall make no law respecting an establishment of religion, or prohibiting the free exercise thereof; or abridging the freedom of speech, or of the press; or the right of the people peaceably to assemble, and to petition the Government for a redress of grievances. — The First Amendment to the U.S. Constitution (17 September 1787)

The First Amendment was written because at America's inception, citizens demanded a guarantee of their basic freedoms. It is the American blueprint for personal freedom and the hallmark of an open society, the First Amendment protects freedom of speech, press, religion, assembly and petition.

Most people believe in the right to free speech, but debate whether it should cover flag-burning, hardcore rap and heavy-metal lyrics, tobacco advertis-

(gaan aan op p. 8)

(vanaf p. 10)

loor en kleingelowig te wees. Dit is veral moeilik wanneer mens alleen en eensaam is. Dit is hoekom die gemeenskap van gelowiges belangrik is. Dit is hoekom sendelinge, steungroepe en stuurselle nodig is.

Die voorbeeld van kooltjie wat afkoel as hy nie by ander kole in die vuur is nie kom in gedagte. Bemoediging is die Genadegawe om onselfsugtig en onvoorwaardelik jouself beskikbaar te stel om mense moreel te ondersteun, aan te moedig en waar nodig met hulp te onderskraag.

Voorbeelde van God se proses van bemoediging:

1 Sam 23:15-18—(God bemoedig deur gelowige vriende wat omgee) 15 Toe Dawid besef dat Saul steeds daarop uit is om hom dood te maak, is hy na Goresa toe in die Sifwoestyn. 16 Jonatan seun van Saul het toe klaargemaak en na Dawid toe in Goresa gegaan en hom bemoedig in sy vertrouwe op God. 17 Hy het vir hom gesê: "Moenie bang wees nie, want my pa sal jou nie in die hande kry nie. Jy sal koning word oor Israel, en ek sal onder jou staan. Selfs my pa weet dat dit so is." 18 Hulle twee het toe 'n verbond voor die Here gesluit.

Jesaja 35:3-4 - (God bemoedig deur profete wat fokus op Hom) 3 Bemoedig dié wie se hande slap hang, help dié wie se knieë knik, 4 sê vir dié wat moed verloor het: "Wees sterk, moenie bang wees nie, julle God is hier, Hy kom om wraak te neem, om julle vyande te straf; God kom julle red!"

Rom 1:11-12 - (God bemoedig deur leiers wat geestelike gawes deel) 1 Ek sien baie daarna uit om julle te besoek, want ek wil 'n geestelike gawe aan julle oordra om julle te versterk. 12 Ek bedoel

dat, as ek by julle is, ons deur mekaar se geloof bemoedig kan word, ek deur julle s'n en julle deur myne.

Rom 12:6-8 - (God bemoedig deur gelowiges wat genadegawes gebruik) 6 Ons het genadegawes wat van mekaar verskil volgens die genade wat God aan elkeen van ons gegee het. As dit die gawe van profesie is, laat ons dit gebruik in ooreenstemming met die geloof wat ons bely. 7 As dit is om te dien, laat ons dien. As dit is om onderrig te gee, laat ons onderrig gee. 8 As dit is om mense te bemoedig, laat ons hulle bemoedig.

2 Kor 1:3-6—(God bemoedig deur gelowiges wat reageer) 3 Aan God, die Vader van ons Here Jesus Christus, kom al die lof toe! Hy is die Vader wat Hom ontferm en die God wat in elke omstandigheid moed gee. 4 In elke moeilikheid bemoedig Hy ons. Daarom kan ons ook ander bemoedig wat in allerlei moeilikhede verkeer. Ons kan hulle bemoedig met dieselfde bemoediging waarmee God ons bemoedig, 5 want net soos daar vir ons 'n oorvloed van lyding is ter wille van Christus, is daar ook vir ons 'n oorvloed van bemoediging deur Christus. 6 As ons dus in beproewing kom, is dit dat julle bemoedig en gered kan word. As ons bemoedig word, is dit om julle te bemoedig en te versterk, sodat julle met geduld dieselfde lyding kan verduur wat ons ook verduur.

In plaas van die verwagte danksegging ná die briefaanhef, kry ons in 2 Korintiërs 'n lofsegging. Paulus prys God as die Vader van ons Here Jesus Christus (1:3), gevolg deur die redes vir die lofprysing (1:4– 11). God word eers geprys omdat Hy ons bemoedig deur Christus, ook in lyding en teleurstelling (1:4– 7). In 1:8–9 noem Paulus die omstandighede in Klein-Asië wat só neerdrukkend was, en in 1:10–11 word nog eens die volle vertrouwe

(gaan aan op p. 12)

(vanaf p. 9)

wil, moet julle julle onderwerp aan elke menslike owerheid, of dit nou die keiser as hoogste gesag is 14 of die goewerneurs as sy gevolmagtigdes wat dié wat kwaad doen, moet straf, maar dié wat goed doen, moet prys. 15 Dit is die wil van God dat julle deur goed te doen, 'n einde sal maak aan die kwaad wat mense sonder begrip uit onkunde praat. 16 Julle is vry, maar moenie julle vryheid gebruik as dekmantel om kwaad te doen nie. Gebruik dit om God te dien. 17 Julle moet alle mense respekteer en julle medegelowiges liefhê. Vrees God. Eer die keiser.

Vryheid het dus grense. Om beter te begryp, hier is nog voorbeelde van Bybelse Vryheid.

Ps 18:18-20 - (Dawid se getuigenis) 18 Hy het my gered van my vyand wat sterk was, van my haters toe hulle vir my te magtig was. 19 Die dag toe hulle my aangeval het, was my ondergang naby, maar die Here het my daarvan bewaar. 20 Hy het my in vryheid laat uitgaan, my gered omdat Hy my liefhet. 33 Dieselfde woorde kom ook in 2 Sam 22:20 voor.

Ps 111:9—(Dawid se getuigenis – God self het vryheid vir Sy volk bewerk) 9 Hy het vryheid vir Sy volk bewerk, Sy verbond vir altyd ingestel. Sy Naam is heilig, dit wek ontsag.

Mar 2:23-28—(Jesus se lering) 23 Eenkeer toe Jesus op 'n sabbatdag tussen gesaaides deur loop, het sy dissipels so in die loop are begin afpluk. 24 Die Fariseërs sê toe vir Hom: “Kyk daar! Waarom doen hulle iets wat nie op die sabbatdag gedoen mag word nie?” 25 Hy sê vir hulle: “Het julle nog nooit gelees wat Dawid gedoen het toe hy en sy manne nie kos gehad het nie en honger gekry het? 26 Hy het in die tyd van die hoëpriester Abjatar in die huis van God ingegaan en van die offerbrood geëet, wat niemand anders as die priesters mag geëet het nie, en ook vir sy manne daarvan gegee.” 27 Jesus het verder vir hulle gesê: “Die sabbatdag is 10 vir die mens gemaak en nie die mens vir die

sabbatdag nie. 28 Daarom is die Seun van die mens Here óók oor die sabbat.”

Die voorbeeld van Dawid dien as die agtergrond vir twee baie belangrike uitsprake. Eers sê Jesus in 2:27 dat die sabbat ter wille van die mens bestaan en nie die mens vir die sabbat nie. Wat hier belangrik is, is dat Jesus 'n heeltemal ander siening oor God huldig as die Fariseërs en skrifgeleerdes. Vir Jesus is God die Goeie Gewer wat sy kinders liefhet en sy verordeninge gegee het om die mense te ondersteun, nie te onderdruk nie. Daarom mag die dissipels maar gerus op die sabbat are pluk as hulle honger is. Hierdie beginsel is baie belangrik—ook vir ons as hedendaagse gelowiges. Wat Jesus hier beklemtoon, is die Christelike vryheid. Dit geld vir al God se verordeninge.

Beteken dit nie dat gelowiges hulle vryheid verkeerd kan aanwend nie? Nie as hulle 2:28 ook in gedagte hou nie! Dié vers beklemtoon dat Christelike vryheid nie beteken dat elke gelowige maar kan maak net soos hulle wil nie. Die gesag lê nie binne-in onself nie. Jesus is die Een wat die finale gesag het. Alleen in persoonlike verbondenheid en in gehoorsaamheid aan Hom kan ons ons Christelike vryheid korrek gebruik.

GOD BEMOEDIG - EK BEMOEDIG

Die mens is geskep as 'n sosiale wese wat gedy in 'n omgewing van liefde, beskerming en versorging. Ons het medemense om ons nodig wat die liefdebetoning, beskerming en versorging uitvoer. Dit is menslik om moeg te word, te twyfel, moed te verloor, hoop te ver-

(gaan aan op p. 11)

HOOP

*En nou bly daar Geloof,
Hoop en Liefde - die drie;
Maar die middel een is Hoop!*

*Op die vleuels van die daeraad,
In goudborduurde werk-gewaad,
Met blye groet en gulle lag,
Kom Hoop gevloë uit die nag;
Bekoorlik in haar frisse jeug,
Versprei sy lig en soete vreug,
Haar aanblik straal van lewensmoed,
Van alles waar en skoon en goed,
Met goue hare en bloue oë,
Verskyn sy skitt'rend uit die hoë.*

*Sy fluister sag in ieders oor:
"n Nuwe uitsig blink daar voor
Waar groue newels van die nag
Wyk vir die wonder van die dag.
Die skepping juig, natuur ontwaak,
Begin met koele moed die taak;
Die gulde lewensboek bevat
Vir elke dag 'n nuwe blad;
Want elke dag is maar die lewe:
Sukses beloon slegs moedig strewe!*

*Getors maar weer die sware las,
Die skouer aan die wiel gepas,
Die krag wat spier en senu sterk,
Die "ope sesame" is: werk,
Die mag wat wondere verrig,*

*Die dryfveer van die wil is: plig.
In vreugde en smart die hoogste goed:*

*Blymoedig hart en goeie moed,
Al was jy gister moedverlore,
Jou siel word elke dag herbore!"*

*Deur droewe misdamp van die druk
Sien Hoop 'n eiland van geluk;
Deur winters somb're spinnerag
Weer bloesempronk en blareprag:
Uit donk're holties van die nag
Verneem sy blye kinderlag:
En bokant swarte wolkgordyn
Sien sy die sterre ewig skyn.
O Hoop, geseënde in u gaarde
Bloei elke skone blom op aarde!*

*Hoop ploeg die boer se laaste voor;
Hoop voer sy wa die Dorsland oor;
Besiel die burger as hy veg
Vir vaderland en goeie reg.
Hoop is ons laaste beste vrind.
Die grysaard leef weer in sy kind;
Waar ook sy wrakke wa bly staan,
Hoop wys hom die geweste aan
Waar dierb're oë liefd'rik neersien
In lank-verbeide Land van Weersien.*

AG Visser 1981

(vanaf p. 6)

ing, hate speech, pornography, nude dancing, solicitation and various forms of symbolic speech. Many would agree to limit some forms of free expression.

Most people, at some level, recognize the necessity of religious liberty and toleration, but some balk when a religious tenet of a minority religion conflicts with a generally applicable law or with their own religious faith. Many Americans see the need to separate the state from the church to some extent, but decry the banning of school-sponsored prayer from public schools and the removal of the Ten Commandments from public buildings.

Further, courts wrestle daily with First Amendment controversies and constitutional clashes, as seen in the free-press vs. fair-trial debate and the dilemma of First Amendment liberty principles vs. the equality values of the 14th Amendment.

Such difficulties are the price of freedom of speech and religion in a tolerant, open society.

Hier in Suid Afrika het die "Congress of the People" op 26 Junie 1955 die "Freedom Charter" of die vryheidsmanifes geskryf.

Hedendaags word die veranderings meestal demokraties gemaak. Dit gebeur soms dat regerings, bestuurders en leiers skuldig is aan ernstige vergryp van mag en menseregte. Dit lei dan dikwels tot burgerlike ongehoorsaamheid, rebellie, magstryd en oorlog.

Die huidige wetteloosheid in Suid Afrika is 'n oorblyfsel van die rebelse oorreaksie teen die beperkings van apartheid. Dit het deel van die kultuur geword en gaan baie moeilik verander word.

Beheer dit magsbalans in 'n politieke

omgewing deur mense die mag te gee om te kan sê as iets verkeerd is? Christene het ook die mag in so 'n politieke omgewing om die Bybel se perspektief te stel. Besef dat ek en jy aktiviste vir Jesus kan wees en nie konformiste omdat ons konfrontasie wil vermy nie. Die magsbalans het egter ook 'n bytkant bv.; die ydelike gebruik van God se naam is aanstootlik en twyfel word gesaai deur uitsprake van prominente kerklui i.v.m. die interpretasie van die Bybel. Waar trek jy die lyn?

Hoekom is godsdienstevryheid dan so belangrik? Beheer dit magsbalans in 'n fanatiese omgewing? Is dit gedwonge akkommodasie/tolleransie? Die beginsel skep weereens 'n geleentheid en 'n bedreiging. Dit maak deure oop maar dit stel ons bloot aan keuses van ander godsdienste en die "new age" konsep dat alle godsdienste dieselfde is. Dit beheer die magsposisie van die kerk en die verhouding met die staat. Ons hoef nie die Lewende God hier te verdedig nie. Sy mag is nie in regerings gesetel nie.

God se konsep van Vryheid:

Gal 5:1-1—(Geroep tot God se vryheid) Christus het ons vry gemaak om werklik vry te wees. Staan dan vas in hierdie vryheid en moet julle nie weer onder 'n slawejuk laat indwing nie. 2 Kyk, ek, Paulus, sê vir julle: As julle julle laat besny, sal Christus vir julle geen betekenis hê nie. 3 Ek sê dit weer nadruklik vir elkeen wat hom laat besny: Hy is verplig om die hele wet van Moses te onderhou. 4 Julle wat van julle sonde vrygespreek wil word deur die wet te onderhou, julle het julle band met Christus verbreek, julle het die genade van God verbeur. 5 Wat ons betref, deur die werking van die Gees is dit ons hoop en

(gaan aan op p. 9)

(vanaf p. 8)

verwagting dat ons deur te glo, vrygespreek sal word. 6 In Christus Jesus is dit nie van belang of jy besny is of nie. Al wat van belang is, is geloof wat deur die liefde tot daad oorgaan. 7 Julle was so goed op pad. Wie het julle verhinder om die waarheid te bly gehoorsaam? 8 Wie het julle omgepraat? Nie God nie; Hy roep julle tot gehoorsaamheid. 9 'n Bietjie suurdeeg deurtrek die hele deeg. 10 Ons band met die Here gee my die vertroue dat julle net so sal dink soos ek. Maar die man wat vir julle in verwarring bring, wie hy ook al mag wees, God sal hom straf. 11 Wat my betref, broers, as ek nog verkondig dat 'n mens besny moet word, waarom word ek dan nog vervolgd? Dan is die kruis as struikelblok mos uit die weg geruim. 12 Ek wens die mense wat dié verwarring onder julle stig, wou hulleself dan maar heeltemal ontman! 13 Julle, broers, julle is tot vryheid geroep. Moet net nie julle vryheid misbruik as 'n verskoning om sonde te doen nie, maar dien mekaar in liefde. 14 Die hele wet word in hierdie een gebod saamgevat: "Jy moet jou naaste liefhê soos jouself."

Heb 10:12-14 - (Vry van Sonde) 12 Maar Jesus Christus het één offer vir die sondes gebring en vir altyd aan die regterhand van God gaan sit. 13 Nou wag Hy daar totdat sy vyande aan Hom onderwerp is. 14 Deur die één offer het Hy dié wat vir God afgesonder word, vir altyd volkome van sonde vry gemaak.

Rom 8:17-24—(Vry van die effek van die dood) 17 En omdat ons kinders is, is ons ook erfgename. Ons is erfgename van God, erfgename saam met Christus. Aangesien ons deel het aan sy lyding, sal ons ook deel hê aan sy heerlijkheid. 18 Ek is daarvan oortuig dat die lyding wat ons nou moet verduur, nie opweeg teen die heerlijkheid wat God vir ons in die toekoms sal laat aanbreek nie. 19 Die skepping sien met gespanne verwagting daarna uit dat God bekend sal maak wie sy kinders is. 20 Die skepping

is immers nog aan verydeling onderworpe, nie uit eie keuse nie, maar omdat God dit daaraan onderwerp het. Daarby het Hy die belofte van hoop gegee: 21 die skepping sal self ook bevry word van sy verslawing aan die verganklikheid, om so tot die vryheid te kom van die heerlijkheid waaraan die kinders van God deel sal hê. 22 Ons weet dat die hele skepping tot nou toe sug in die pyne van verwagting. 23 En nie net die skepping nie, maar ook ons wat die Gees ontvang het as die eerste gawe van God, ons sug ook. Ons sien daarna uit dat God sal bekend maak dat Hy ons as sy kinders aangeneem het: Hy sal ons van die verganklikheid bevry. 24 Ons is immers gered, en ons het nou hierdie hoop. Wat 'n mens al sien, hoop jy tog nie meer nie. Wie hoop nog op wat hy reeds sien? 25 Maar as ons hoop op wat ons nie sien nie, wag ons daarop met volharding.

Kor 8:7-13—(Wees 'n getuie deur my vryheid te beperk) 7 Maar nie almal het hierdie kennis nie. Daar is party van julle wat so gewoon is aan afgode dat hulle nog altyd vleis eet asof dit 'n offer aan 'n afgod is. Daardeur word hulle gewete, wat reeds swak is, verder beswaar. 8 Wat ons eet, bring ons egter nie nader aan God nie. As ons nie eet nie, verloor ons niks nie; en as ons eet, wen ons niks nie. 9 Maar pas op dat hierdie vryheid van julle nie vir dié wat swak is, 'n aanleiding tot sonde word nie. 10 As jy wat hierdie kennis het, in 'n afgodstempel gaan eet en iemand met 'n swak gewete sien jou, sal dit hom dan nie aanmoedig om die vleis as afgodsoffer te eet nie? 11 Dan gaan die swakke verlore deur hierdie kennis van jou, en dit 'n broer vir wie Christus gesterf het. 12 Deur so teen die broers te sondig en 'n las op hulle swak gewetens te lê, sondig julle teen Christus. 13 Daarom, as ek deur wat ek eet, my broer laat struikel, sal ek nooit weer vleis eet nie: ek wil nie my broer se val veroorsaak nie.

1 Pet 2:13-17 - (Onderwerping aan Owerhede bedreig nie my Vryheid nie) 13 Omdat die Here dit

(gaan aan op p. 10)